

APU SIMI QELQA N° 29924*

PERUSUYUNTIN KAMACHEQ UMALLEQ

CHEY RAYKU

Perusuyuntinpa Apullikunaq Rimananaq suntur Wasimanta
Qomunku key kamacheq qelqata:

PERUSUYUNTINPA APULLIKUNAQ RIMANAN WASIMANTA
Qomun key qelqata:

**APU SIMI QELQA MUCHUCHIN MANA CHANIN LLULLAKUSPA
CHEQAQPIS KANMAN HINA USQHAYLLAMAN YANAPAWAY
LLAKIPIN KANI NISPA TELEFONOPI WAQYAPAKUQ RUNATA**

Ñaupaq phasmin qelqa. Kamachisqa p`akiqta muchuchiymanta

Llapan runakunan yachashaspa mayqen telefomantapas waqyakuyta qallarín mana allin yuyaywan hoq runa masinta manchachispa, ninan tukurqoshanña ruphaspa, otaq kaypin runa ña t`ojarqonqaña, kaypin ruwashanku hatun huchata, munaykun hampi kamayoqta usqhayllaman, aylluntinmi kaypi runa sipinakushan, aqnata mana allinta telefonopi waqyaspa t`uqriy kamayoq suyuntinpi Policia, usqhayllaman hamuchun hanpi kamayoqkunata, Yanqalla yanapakuq Bomberos Voluntarios perusuntinpi, hoq hatuchaq wasikunata sasachayman churankuman, llakiman, ichaqa manataq cheqaqchu llapan waqyakusqan, cheyqa key runatan muchuchina kanqa ñaupaqta qolqenpi kutichinqa mana cheqaq telefonopi waqyakusqanmanta, kutichinqa 2.5% Unidad Impositiva Tributaria (UIT) cheymanta telefonota orqopunqaku, tatipunqa telefono imaynatachus kamachin Apusimi qelqa cheyman hina muchuchiy kanqa llullakuspa telefonopi waqyakuq runapaq.

Key muchuchiy hunt`akunqapuni mayqenña kaqtinpas kanman huchanmanta kutichiy, runa kay ruwasqanmanta kutichiy Paqtay Kamayoq apusimi qelqaman hina chanincharinqa llullakuspa telefonopi waqyakuq runakunapaq.

Ichachu kanman rqemanta telefonopi mana chaninta llullakusqpa waqyakuq, hina kaqtinqa erqeq tayta mamanmi erqe uywaqninchu kan paykunan kutichinqa erqeq huchanmanta.

* N.T. Perusuyuntinpa Apullikunaq Rimananaq Suntur Wasimanta, DIDP. qelqa t`iqramuq t`aqa Castilla simimanta Runa simiman, t`iqramuqnin Claudio A. Conde C.

Apu simi qelqa p`akiq paymi huchanmanta qolqenpi kutichinqa cheymanta muchuchiy kanqa huchanman hina.

Iskay phasmin qelqa. Watiqmanta kasqan hucha ruwaq

Ñaupaq phasmin qelqapi qhawarikunña kasqan hucha ruwaqmanta kaqllataq huchamanta muchuchinamanta, ñaupaq kamachisqaman hina muchuchiy kanman Telefono tatichiy, otaq qolqenpi kutichina kanman ichaqa t`aqwirikunqa huchan, kallanmantaq telefono oqaripuy, ichaqa nanachikuy kanqa ñaupaq huchanmanta aswan yapasqaña. Watiqmanta telefonota qochikuyta atinmanmi ichaqa aswan askha qolqeta kutichinan kanqa, imaynatachus kamachinshan ñaupaq phasminmi key kasqan Apu simi qelqa, manataq kuchinmanchu qolqenpi cheyqa manan atikunmanchu watiqmanta telefono qopuy.

Kinsa phasmin qelqa. Allin yachaq Apullin key chaninchayta atinman

Key qelqa hunt`acheq kashan Ministerio de Transportes y Comunicaciones

Tawa phasmin qelqa. Huchayoq runa kutichinqa qolqenpi chey qolqe huñukunqa

Huchayoq runa kutichinqa huchamanta qolqenpi cheytan huñunqa, kasqan hatun wasi teléfono qhatuq, qolqe chaskinsqanta llipsipi qomunqa hayk`a chaskisqanta, hinaqatan huñukunqa huchamanta kutichisqa qolqe, ichaqa ninman manan huñuyta atiymanchu qolqeta neqtinqa kashanmi Ministerio de Transportes y comunicaciones paykunan huchamanta kutichisqa qolqeta huñunqaku, aqnatan kamachishan Apu simi qelqa yupaynin 018-2008-JUS sapallan kamachisqa qelqa Apu simi qelqaq yupaynin 26979 chey qelqa kamachin imayna ruwanamanta kamachisqa kallpawan hunt`achinapaq.

Phisqa phasmin qelqa. Qelqasqa kanqa Atipanakuypi rikhuriqkuna

Kashan qeykuna qelqaman churaq Policia Nacional de Perú, kashallantaq llapan kurkun Bomberos Voluntarios del Perú, kallanmantaq hoq suntur wasikuna qelqanman llapan atipanakuypi rikhuriqkunata llipsipi qelqanman, aswantaqa reqsisqallaña kanman mana chanin runakuna waqyakuyta yachan llullakuspa telefonopi waqyakun yanapayta mañakuspa, ñapis kaqllatañan mañakunman yanapayta, ninman rupharqowashanku, runan ña t`ojarunqaña, kurkuykun sinchi k`irisqa hanpi kamayoq usqhayllaman hamuchun, ayllumasintinmi sinchi llaskipi kashayku nispa imaymana llullakuy kan telefonopi waqyakuspa, cheymanta sapa killa hina willakuy kanqa Ministerio de Transportes y Comunicaciones, cheyman hinan muchuchina kanqa huchayoq runakunata, ichaqa kamachisqaña kashan key kasqan qelqapi 1 y 2 phasminpi, hunt`achinan kanqa cheypaq churasqa Paqtay kamayoq apullikuna.

Soqta phasmin qelqa. Huchayoq runakuna reqsiyqusqa kanqa

Mayqen chus kashan teléfono kaqniyoq runa paypan kanan teléfono qhatuq wasimanta mañakusqa qelqa, paymi reqsisqa runa, Ministerio de Transportes y Comunicaciones ima qelqataña mañamuqtinpas usqhayllaman chayachinan kanqa willakuyta, mana allin waqyakuykuna paypa telefonmantaq kaqtinqa paymi muchuchisqa kanqa, manataq kasukunqaku ni uyarikunqachu cheyqa teléfono qhatuq wasi huchachasqa kanqa, ichaqa telefonoyoq runa ñaupaqaraq willakunan karqan Policiaman suwarqowankun telefonuyta nispa cheyqa, manan huchachasqachu kanqa ñaupaq willakusqanwan qeqspisqa kanqa.

Qanchis phasmin qelqa. Telefonopi waqyakusqa reqsiyqusqa kanqa

Telefonopi mana chanin llullakuspa waqyakuy reqsiyqusqa kanqa, waqyakusqa chayanqa chaupi usqhayllaman, llakikuna kaqtin waqyakuy chaskiqman, key telefonopi rimaykuna yachakunqa runaq pakayllapi rimayni allaukan p`akikushan. Ichaqa kunan telefonopi rimaynin yachakunqa kunan key Apu simi qelqaq kamachisqa hunt`anallapaq, manan hoq imapis ruwanapaqchu. Mana chanin llulla waqyakuy kaqtin huchayoq muchuchinapaq.

Pusaq phasmin qelqa. Huchayoq runa muchisqanmanta qolqe kutichisqa imapaqmi maypi kanqa

Mana chaninta llullakuspa telefonopi runa waqyakuspa huchallikun, ñapis llakipiña kashanman hina manchachin yanapaq runakunata, yachasqa llulla mana chanin waqyakun kan ninan rupharuwashanku, aylluntinmisinchi k`irisqa llakipi kayku, runan t`oqyarunqaña, runan sipinarukushan, hanpi kamayoqtan munayku usqhaylla runa wañurapushan imaymanata rimaspa telefonopi waqyakuspa runa huchallikun, ichaqa chey huchanmanta qolqenpi kutichinan kanqa kamachisqa qelqa p`akisqa manta, chey huchamanta qolqe huñusta rakikunqa kasqa malla Policia Nacional del Peru, Cuerpo General de Bomberos cheywan allchapakunqa usqhayllaman, llakipi kaq runakuna yanapanapaq, mana chaninta llullakuspa telefonopi runa waqyakusqamanta muchuchisqamanta kutichisqa wakin qolqe kanqa Fondo de Inversión en telecomunicaciones FITEL.

Isqon phasmin qelqa. Imayna ruwanamanta

Hunt`ana qelqa chaninchan imayna imaman riqch`akuqmi chey mana chanin telefonopi runaq waqyakusqa, cheyman hina huchayoq runa muchuchisqa kanqa Llank`asqaqpi imayna ruwasqa man hina muchuchisqa kanqa, cheyman churayta atin huchayoq runa mañakuy qelqata mananchakuspa mana chaskiyta munaspa, paypis amachaqninpa kallpachasqa hoq qelqaman hap`ipakuyta atillantaq.

TUKUYKAPUNALLAPAQÑA YAPAKUSQA KAMACHEQ QELQA

Ñaupaq qelqa t`aqa. Key mana allin waqyakuy chaninchaq kanmi apullikuna kuraka Kallpawan kamacheq kamayoq paykuna llank`ananku wasipi qolqeta yaparinaku aswan allin tukuy llank`ananku kananpaq aswantaqa chaypi teléfono waqyakuy chaskinanku imapis llakikuna, usqhay yanapay munaqkuna waqyakamuqtin usqhayllaman yanapay chayanapaq, sapanka waqyakuy chaskinqakuta yupashananku willakunanan mayqen telefonomantan waqyakuy chayamun, maymanta, ima yupayniyoq, piqpan chey teléfono llapan qelqasqa qhepananpaq hatuchaq wasikuna teléfono qhatuq yanapanan kanqa allin key telefonokuna kananpaq, mana chanin waqyakuykuna kaqtinqa llapan qelqasqa tarikunanpaq cheywan usqhayllaman tarikunman huchayoq runa. Kaqllataq Ministererio de Transportes y Comunicaciones allimanta allchanqa Perusuyuntinpi llapan mana chanin waqyakuy kaqtin qelqasqa usqhayllaman rikhurinanapaq, kaqllataq kanqa usqhayllaman mana chanin telefonopi waqyakamuqta reqsinapaq maymanta, pis, imapaq waqyakamusqanta yachanapaq cheypaq kallanqataq Perusuyuntinpi Sistema Nacional de Inversión Pública, cheymanta Llaqta Amachaq Wasi yanapanqa ima munasqanpi Ministerio de Transportes y Comunicacionpi llank`aakunapaq, willashanqa tukuy waqyakuykunata kamachisqa, allchasqa, imayna ruwanapaq. Kaqllataq Llaqta Amachaq Wasi llapan llank`aakunawan tukuy llaqtakunapi t`aqarinqa aswan qolqeta allin yanapay kananpaq maymantachus cheqaqtapuni runakuna yanapanata munanku paykunaqa cheqaqta kankuman sasachaypi.

Iskay qelqa t`aqa. Ministerio de Transportes y Comunicaciones ruwaringa huñunakuykunata cheypi willarinqa rimarinqaku mana chanin llullakuspa telefonopi waqyakuykunamanta, chey huchayoq runa muchuchinamanta Apu simi qelqa kamachisqanman hina, cheypaq chaninchaq qelqata qomullankutaq Apullikuna, kunan usqhayllaman yachakunqa pis, maymantas, imanispas telefonopi waqyakamun llapan rikhurinqa qelqasqa.

Kinsa qelqa t`aqa. Ministerio de Transportes y Comunicaciones

orqomunqa kamacheq hunt`ana qelqata chaninchanapaq, chey qelqa lloqsimunan soqta chunka p`unchay ukhullapi imaña kaqtinpas.

Willakuchun Wiraqocha Perusuyu Kamacheq Umalleqman willakuy suyuntinman mast`arikuchun

Lima suyupi isqon p`unchay Qoya killapi, iskay waranqa chunka iskayniyoq watapi

VICTOR ISLA ROJAS

Perusuyuntinpaq Apullikunaq Rimanan Suntur Wasipi Umalleq

MARCO TULLIO FALCONÍ PICARDO

Qhepanman Ñaupaq Qateq Perusuyuntinpa Apullikunaq Rimanan Wasipi Umalleq

WIRAQOCHA PERUSUYUNTINPA MUNAYNINWAN KAMACHEQ UMALLEQ

CHEY RAYKU:

Kamachinin Willakuchun suyuntinman hunt'akuchuntaq

Qomunku key qelqata Perusuyu kamacheqpa Wasimanta pacha, iskay chunka tawayoq p`unchay Qoya killapi iskaywaranqa chunka iskayniyoq watapi.

OLLANTA HUMALA TASSO

Perusuyuntinpa Munayninwan Kamacheq Umalleq

JUAN F. JIMÉNEZ MAYOR

Presidente del Consejo de Ministros